



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

რედაქციის მუშაობა რაკოვ. ბრეტანის.

19 NOV 2011

4. 891.99 ქაღალის მარცხენი
5-76 სურ.

ქაღალის მარცხენი

ნოტი

1001
2006

(სრულყოფილი «ნოტი» ანუ სურათი)



ბიბლიო

საქართველოს ჯარისკაცთა ცენტრი. ტიპ. გრუზ. ივ. ტ—ვა.

Большая Ванеская ул.

1901

02.07.2013

43966

ГОС. АРХИВ Р. С.

Дозволено цензурою. Тифлисъ, Ноября 1 1901 года.

ԼԱԼՈՒԱՐԻ ՈՐՍԸ

(Պոէմա)

I

Ծագում է մանուկ արևը գարնան
Կովկաս լեռների ձիւնի պատնէշից,
Զարթնում են մէկ-մէկ սարերն անըման
Զմրան անվրդով ընի մըշուշից.
Ահա Լալուարի¹⁾ վիթխարի ուսին
Բազմում է արփին թարմացած ոյժով,
Սարեր ու ձորեր իրար երեսին
Նայում են, ժըպտում ամպի մըշուշով...
Վերջին ձիւներն էլ արդէն հալ ընկան,
Արտասուեց իսկոյն լեռների հըսկան.
Ամեն մի ձորից աղբիւր է հոսում,
Ամեն մի թըփից բիւբիւլ է խօսում:

¹⁾ Լոռուայ ամենաբարձր սարը:

Եւ դարար հովիտ, և՛ ժայռի կրքեր
 Արձագանք տալով դարուն են հընչում:
 Ջրմրան փարախից հովուական երգեր
 Ձեփիւռի թևով սարերն են թռչում:
 Ծաղկալից աշխարհ անվերջ ձորերի
 Բացում է, ժրպտում կոկոնից զուարթ,
 Փարթամ գեղութեան ոգին Գուգարքի
 Շընչում է դարնան բոյրով անաղարտ.
 Ամպերն էլ իրար համբոյրներ տալով,
 Ջրում են կայտառ, Լալուարը գըրկում,
 Առաջին անգամ ~~խփան~~ որոտալով,
 Գուգարք աշխարհին ողջոյն են երգում:
 Եւ հայրենիքում փայլակ-կայծակի
 Գիշերուայ դրոշմած գաղտնի համբոյրներ
 Երգում են երկրին սէրը երկնքի,
 Դողում են սիրուց սարեր ու ձորեր.
 Եւ խորհրդաւոր մի թովիչ ձայնով
 Խօսում են նըրանք իրար հետ փարում,
 Երգում են, խընդում, հազար բերանով
 Լալուարի վիթխար հասակը գովում:

Ահա՛ գարնան հետ և շարան-շարան
 Դաշտավայրերից գէպի գով սարեր

Ջրգուեց սայլերի, ուղտերի քարուան—
 Փախչում են շօքից թէ թուրք, թէ հայեր:
 Թընդում են ձորում զանգի հընչիւններ,
 Ձիերի խրխինջ, պայտերի դօփիւն,
 Մէկ-մէկի կըցած անվերջ քարուաններ
 Քաշում է նառը, ահեղ մըռնչում:
 Ո՛րը տանում է ալաչխի ¹⁾ քեչան,
 Կուժն ու խնոցին, ճիպտոն ու չաթան ²⁾.
 Ո՛րն էլ զարդարուած գէր ³⁾ ու փընջերով՝
 Օրօրում, անցնում լեռան լանջերով.
 Բայց նառն ինքնագոհ քայլում է հանդարտ՝
 Բոժոժ ու զանգեր վըղին ու կրքերին,
 Եւ օրօրելով կապերտներ ու զարդ,
 Գեղեցիկ հարսն է նա տանում մէջքին.
 Մերթ բարկանալով, կանգնում է հըպարտ,
 Մերթ փրփուր թափում կատղած բերանով,
 Մերթ երկար շուրթը կախելով բարդ-բարդ,
 Նա պարծենում է գեղեցիկ բեռով:
 Բռնել է ճամիէն խփան/իրարանցում,
 Դոփում են ձիեր, սանձերը կըրծում—

1) Հովուական վրանի մեծ տեսակը:

2) Բարակ ճիպտոներից հիսած վրանի շրջապատ:

3) Թղթերում կարած՝ չար աչքից ապահովող ա-
 ղօթքներ:

Ազնիւ մետաքսից ոսկեթել գործած, —
 Աղաջարփներ ¹⁾ թամբերին գըցած,
 Հուժկու կըրժըներից կապած թալիաման ²⁾,
 Արևելեան ճոխ արծաթն ու ոսկին,
 Ճերմակ զաթիպան, քոչն ամպի նման
 Փըռփըռում են գեղ հարսների դէմքին:

Լեռների տօնն է. մարդ և անասուն
 Ուրախ երգերով դիմում են սարեր,
 Մոռնալով ձըմրան քաշած վայնասուն,
 Ծաղիկ փնջերով անցնում են ձորեր...
 Անցնում են արագ քոչ-քոչի միջով.
 Գարնան արևից փայլում են դէնքեր,
 Եւ թարմ կենսաբոյր թաւիչ կանաչով
 Բացւում են, ժըպտում սարուօրի դէմքեր.
 Փոքրիկ երեխան պինդ մէջքին կապած՝
 Խեղճ հովուի կինն էլ վազում է ոտքով,
 Օգնում է մարդուն՝ գոհ և սրտաբաց,
 Բախտի որոշած ծանրը վիճակով.
 Մայում են, բայում գառըն ու մաքին,
 Թընդում կովերի, հորթերի բառաչ.

¹⁾ Մետաքսից գործուած ձիու ծածկոց:
²⁾ Թղթերում կարած՝ չար աչքի դէմ աղօթքներ:

Իսկ տըրտընգալով գումէշը ձաղին
 Կանչում է դանդաղ վազելով առաջ.
 Վազում են յոգնած շըները հօտի
 Եւ լեզուն հանած թանչին են տալիս.
 Լըսում է յանկարծ ձայնը լակոտի,
 Որ քոչից ընկած կալանչ է գալիս:

Քարուանի ծայրը սարերը հասաւ,
 Հասաւ ու ձուլուեց թուխ ամպերի հետ.
 Վըրան-վըրանի յետևից բըսաւ
 Ծաղիկների մէջ գոյն-գոյն սիրաւէտ.
 Ալաչուխ, դադա ¹⁾, անվերջ վըրաններ,
 Շըրջան կաղմելով սառն աղբրի ափին,
 Խնչպէս ծեր արծուի կարկատած բըներ,
 Յենուեցին մէկ-մէկ բարձր քարափին.
 Դաշտեցի հայն էլ սառ ջըրի կարօտ՝
 Եկել է, դըրել բինէն այս ամառ
 Լօբ ²⁾, Լալուար, Լեջան ³⁾ աղբիւրների մօտ,
 Շոքերից ազատ ապրելու համար:
 Գուգարը սարերի սիզաւէտ լանջին
 Բազմել են հայի, թուրքի բինաներ,

¹⁾ Հովուական վրանի փոքր և հասարակ տեսակը:
²⁾ Լօռուայ սարերից մէկը:
³⁾ Լօռուայ սարերից մէկը:

Բայց գարձեալ խառնուած քոչ-քոչի միջին՝
 Դեռ երբում են ուղտի քարուաններ:
 Խրրինջում է ձին, կովը բառաչում,
 Բոլորն էլ իրանց իւրան են ճանաչում.
 Մայում է անուշ ամլիկը ¹⁾ գառան.
 Մարեր ու ձորեր նորից կեանք առան:

Գիշերը հասաւ. մըթին է ճամփան.
 Մարում է կամաց աղմուկը քոչի.
 Առուակի ափին քարուաններն իջան.
 Կանչում են՝ «տըղերը, ապրանք չը կորչի»:
 Ձիերի ջուկեր, ուղտերի քարուան,
 Մայլերի ճըռռոց, ոչխար ու տաւար
 Գըտնելով ձորում գիշերն իջեան,
 Հանգիստ են առնում միւս օրուան համար:
 Կըրակի վըրայ առուակի ափին
 Մի տեղ ընթրիք են շտապ պատրաստում,
 Մի տեղ էլ կորած գառանն ու հոթին
 Մար ու ձոր ընկած հովիւն է կանչում:
 Մի այլ տեղ ուրախ շըլջան բոլորած՝
 Ուտում են նըրանք կաթն ու խորոված.

1) Մօր հետ անբաժան ապրող և ձող գառը:

Գիշերն էլ արդէն մնջում է, լըռում,
 Յոգնած քոչուորին հանգիստ բուն բերում.
 Միայն մի կով է գարձեալ բառաչում
 Եւ քունը կըտրած հորթուկին կանչում.
 Լըսելով նըրան գիշերն անդադար,
 Հեռւմ է արխուր ծերունի անտառ:
 Ամպի փէշերը կախած մի ծայրին՝
 Լալուարն էլ կարծես նոյն վիշտն է զգում,
 Ինչպէս վիրաւոր արծիւը ժայռին,
 Թեւերը փըռած քոչուորին հսկում:
 Բայց Լօք սարերի կանաչ լանջերում
 Մի բինա էլ կայ, որ դեռ չի բընում.
 Այնտեղ խարոյկի շուրջը բոլորած՝
 Տեսած ու լըսած արկածն են պատմում,
 Եւ մեծ ու փոքըր ականջներ լարած՝
 Աշուղ-Գիբօյի երգերն են լըսում.
 Պատմում է, երգում աշուղն անցեալից,
 Չորերում տեսած հին իգիթներից,
 Կըրակին գըցած կաղնի մեծ գերան՝
 Մարուորն էլ արթուն լըսում է նըրան:
 «Լըսել էք, տըղերք, սւմ ալաչուխն է
 Լալուարին բազմած արծուի նըման.

Լըսել էք՝ էն ուժ օջաղի ծուխն է
 Խեղճ ու նաչարին միշտ լինում դարման ¹⁾ .
 Լըսել էք՝ ինչպէս բազէն ինքնակամ
 Նըրանից ազատ որս չի պըտըրտում:
 Նըրա մի ձէնը, անունը անգամ:
 Մարդուն, հարամուն սարսափ են ազգունք
 Եւ ուզում է միշտ ամեն մի սարուոր
 Էն ալաչուխին լինել դըրացի,
 Յիշելով նըրա տիրոջն ալեոր,
 Առանց օրհնելու չի նըստում հացի»:

Տըղերքն զմայլած աշուղի սագով՝
 Փարուեցան նըրա զառամած վըզով .
 —Շատ բան ենք լսել Աւագի մասին,
 Բայց դեռ կարօտ են նըրա երեսին .
 Քընած թէ արթուն, թէ կուզ երազում
 Ամենքն էլ նըրա մասին են խօսում:
 Պատմում են ահով դաշտին ու սարին,
 Թէ ինչպէս է նա պատժում միշտ չարին,
 Թէ ինչպէս էրէն փախչելիս հովտում
 Հեռուից էլ նըրա ձէնն է ճանաչում .

¹⁾ Ղևղօ

Բայց, ապի, ապի, շենք տեսել նըրան,
 Երգիր Աւագից մի բանի բերան .
 Մենք կը տանք առատ քեզ եղ ու պանիր,
 Դու իգիթներին լաւ գովաբանիր»:

Եւ նա լարելով նորից սիմբըր,
 Երգում է՝ որքան քաջ են հըները.—
 «Աւագ-որսկանի անունն է մենակ
 Մարերին յայտնի ամեն մի մարդու,
 Աւագ-որսկանի ձէնն է մենակ
 Լալուարին գոռող սրտից ազգու .
 Մանուկ օրերից նա սրբ մընալով,
 Ապրել է ինչպէս սե ամպը սարին .
 Օրօր է երգել բամին սուլելով
 Եւ նա նընջել է մամռոտած ժայռին,
 Մըլթին ձորերի ահաւոր կիրճում
 Սիրել է թանձըր փառօղի ամպեր .
 Ուր փայլակ-կայծակ մահ են շառաչում,
 Գըրկել է կայտառ սըլաք ու շանթեր .
 Ընկերն է եղել մի հին հըրացան,
 Իսկ անուշ երգը՝ գընդակի բըզդոց,
 Թըշնամու շարգը ահից ցիրուցան,
 Հարան-տարանը և տուր ու դըմփոց:
 Թէև նա ծեր է ութսուն տարեկան,
 Բայց նըրա նման չը կայ մի որսկան .

Աչքի լուսի պէս դեռ գէնը է սիրում,
 Երկնքի ծոցից էլ որս է բերում.
 Դեռ հեծնում է նա ձին արագավազ,
 Սև ամպերի հետ թռչում սար ու ձոր,
 Դիտելով լուսնի սահը նազէնազ,
 Յիշում իր թափած արիւնը ծոր-ծոր.
 Անցնում է ձրգուած անտառի խորքում
 Նեղ օձապըտոյտ ժայռոտ կածանը,
 Որից հոսում է, առուն աղմբկում
 Կամ թէ դըզըրդում խուլ հրացանը,
 Ուր միշտ ծարաւի թըշնամու արեան՝
 Նա թափառելով գիշերը անահ,
 Մըռայլը դէմքին դըժօխքի նըման
 Նամարդի ¹⁾ համար պատրաստել է մահը»:
 Ձիբուխի վըրայ կըրակ դընելով,
 Աշուղը կըտրեց իր երգի թելը.
 Իսկ մէկն էլ այսպէս նըրան հարցնելով,
 Կըրակին դարսեց նորից փայտերը:

— Բ՛ա, ապի, ապի, դեռ չե՞ս իմացել,
 Մի նոր իգիթ կայ սարերը ընկած,
 Աւագ-որսկանից յետ չի մընացել,
 Դեռ նըրա պէս գող աշխարհ չի եկած.

¹⁾ Տմարդի:

Ձահէլներիս մէջ նըրա հասակում
 Ոչ ոք չի եղել էնպէս շընորհըով.
 Աստծու գիշերը անցնում է, զարկում
 Ամենահարուստ բէկի օբէքով.
 Արիւն է կաթում էն օրը սըրտից,
 Թէ որ չի թռցնում ձի, տաւար հանդից.
 Ո՛չ ազգ ունի նա, ո՛չ տէր-տիրական.
 Կարօ է նըրա անունն իսկական.
 Բայց մարդ չի մընում որ չը թալանի,
 Թուրքերն ասում են «Դալի-էրմանի» ¹⁾.
 Ել նըրա ահից, հարան-տարանից,
 Հեռու չեն քըշում ապրանքը տանից»:

Մինչդեռ խօսում էր Կարօյի մասին
 Վառ յափշտակուած երիտասարդը,
 Աշուղը կանչեց, զարնելով սաղին.
 «Ռէ, տեսէ՛ք՝ ո՞րն է քաջ տըղամարդը.—
 Լըսել եմ, գիտեմ էդ աւագակին,
 Բայց ո՛ւր գող Կարօ, ո՛ւր Աւագ-որսկան,
 Աւագն է՛ ինչպէս Լալուարն ահագին,
 Կարօյի նըման բըլուրներ շատ կան.

¹⁾ Գիժ-հայ:

Թէև մարդիկ է Կարօն կողոպտում,
 Ձի, տաւար հանդից բըշում ու փախչում,
 Բայց դուք ջահէլ եք, Աւագ-որսկանին
 Ինչպէս որ հարկն է չէք էլ ճանաչում.
 Կարօյի նըման ձիու գողերին
 Նա իսկի մարդու տեղ էլ չի դնում:
 Որսկան եմ ասում ո՛չ թէ արջերի,
 Որ տանձ ուտելով ապրում են մէրում.
 Որսկան եմ ասում նամարդ թիւրքերի,
 Որ հայրենիքին փորձանք են բերում.
 Որսկան եմ ասում, որ դող ու չարին
 Մատաղ է անում կարմիր գընդակին.
 Որսկան եմ ասում, որ խեղճ-նաչարին
 Պահում է սիրով իր թևի տակին,
 Որ ինչպէս ձիւնը ամպամած սարին
 Դըլուխ չը թեքած նամարդի սըրին՝
 Մի դաս է առել լեռներից դաժան—
 Արեան վըրէժը արիւնով առնել,
 Քընած թէ արթուն զէնրից անբաժան՝
 Հայրենի սիրով ապրել ու մեռնել.
 Որի ձէնիցն էլ գընդակ է բըզզում,
 Անցած ձորիցն էլ արիւն է հոսում,
 Եւ միշտ վառօգն է ամպերով բուրում,
 Ինչպէս սրբազան խունկը տաճարում,

Բայց և բարի է Աւագ-որսկանը—
 Խօսքը օրէնք է, գործը՝ յազթութիւն.
 Նա տարածում է դուրսը թէ տանը
 Իր ազգու ձէնով սէր ու հաշտութիւն»:
 Երբ խաչ-հանելով սուրբ պատկառանքով
 Ծերը վերջացրեց երգը օրհնանքով,
 Տըղերքը նորից խնդրեցին նըրան.
 —Ապի ջան, սպի, երգիր որսկանից.
 Սիմերդ անուշ, դու բաղցրաբերան,
 Մենք չենք հեռանալ քօ սաղի ձէնից:

Աւագ-որսկանի արած գործերը
 Շատ են ու երկար, սկսեց ծերը,
 Բայց ես կը պատմեմ շատերից մէկը,
 Թէ ինչպէս փախաւ որսկանից բէկը՝
 Սըրանից կընէր տաս տարուց էլ վաղ,
 Դըրացի էր մեզ Սալմանի օրէն ¹⁾.
 Թալանում էր նա հային աջ ու ձախ,
 Աղա էր նըրա ամեն մի գեադէն ²⁾:
 Մի օր դուրս եկաւ Սալմանի բուզէն ³⁾,
 Գոռալով վազեց ինչպէս հըրեզէն.

1) Վրանների խումբ
 2) Մառաշի
 3) Յուլ



Եկաւ որ բըշի մերին տաւարից,
 Մերն էլ բարկացած նրրա հաւարից՝
 Միքիչ կովերից գընաց, հեռացաւ,
 Բուղազոռ տալով, նրրան մօտեցաւ,
 Դեռ գոռգոռալով երկուսն էլ կըրծըից,
 Հեռուից բարկացած կանչեցին իրար,
 Վազելով եկան թուրք, հայ օրէքից՝
 Մեծ բուղակըռուին նայելու համար,
 Խառնուել են միմեանց մէր, մանուկ ու ծեր,
 Հըռ-հըռի ձայներ, հայ-հոյ, գըղըրդիւն,
 Ամեն կողմերից լրսուում են հարցեր,
 «Ո՞րն է երկուսից տանում յաղթութիւն»:
 Երկու բուղէն էլ ահեղ զարկերով,
 Պոզերով, սաքով գետինն են փորում,
 Երկու բուղէն էլ ուռած կըրծըներով
 Հըպարտ բըշալով, կըռիւ են գոռում,
 Մէկ պինդ ոլորած պոչն օձի նըման
 Լախտ արած ուժգին գետինն են ծեծում,
 Մէկ ինչպէս վերջին ահեղ հըրաման,
 Եւ ճորից հերսոտած կըռիւ են բըշում,
 Սալմանի բուղի մընդաւը ¹⁾ փըրփըրում,
 Տեսնողի վըրայ սարսափ է բերում»:

1) Ուտը

Յանկարծ երկուսն էլ նայելով խեթ-խեթ,
 Մէկ կօթ անելով ¹⁾, գընացին յետ-յետ,
 Մէկ նորից եկան պատրաստի զարկով,
 Մօտեցան միմեանց դէմ տուած կողքով,
 Մընդաւն ու պոզեր տալով պահապան,
 Երկու ճակատներ դէմ ելան, կըպան,
 Թըրթըր, հն, թըրթըր պոզերով, գանգով
 Զարգում են իրար անխընայ զարկով:
 Նորից խառնուում են թուրքեր ու հայեր,
 Նայում են կռուին սըրտի տըրտփով,
 Նորից թընդում են հըռ-հըռի ձայներ
 Եւ բուղաները զարնուում են թափով,
 Փահլէվանի պէս հէնց պըտըտում,
 Որ կուրծք ու ճակատ փըրփուր է պատում,
 Դեռ չըրըխկում են, զըրըխկում զարկեր,
 Սալմանի բուղէն յետ-յետ է նայում,
 Կըրծըին ու կողին բացուել են վէրքեր,
 Բայց նա ամօթից դեռ չի հեռանում:
 «Զօռեց հն, զօռեց», յանկարծ գոռացին,
 Սալմանի բուղէն զըրըխկաց գետին,
 Մեր բուղէն էնպէս գոռաց ու բըշաց,
 Որ նրա ձէնից սար ու ձոր թնդաց:

10976

1) Պոզերով սպառնալով:

Իսկ բէկի յաղթուած բուղէն հեկուով,
Վեր կացաւ հազիւ, գընաց կաղալով:

Երբ մենք թուրքերին ծաղր ու ծանակով
«Ղոն» էինք տալիս, թըրքում ու մըրում,
Բէկը կոտորուած մեր յաղթանակով՝
Նոր կըռուի համար ատամ էր սըրում.

— Էս բուղակըռուի ամօթի մըրից
Մենք չենք աղատուիլ ոչ մի ժամանակ,
Մինչև որ սխը չառնենք հայերից,
Մինչև որ չուտեն նըրանք դադանակ ¹⁾:

Այդ ասած-չասած, խմբով թուրքերը
Կալմէջ արին մեզ դադանակներով.
Թըրքերը հանած՝ հասան բէկերը
Եւ վըրայ տուին խիտ աղուկներով:
Քար ու դադանակ ամենքի ձեռքին՝
Խառնուեցան թուրք, հայ, տղամարդ ու կին.
Երկու կողմերից կարկուտից վարար
Քարերով, փայտով ջարդում են իրար:

¹⁾ Մհակ:

Հէնց որ թուրքերը յաղթուած հայերին
Քըչելով, հասցրին արխաջի ¹⁾ ծէրին,
Յանկարծ սարիցը մի ձէն որոտաց.
«Ո՞ւր էք փախչում, ո՞ւր, գետինը մըտած.
Միք վախիլ, տուէ՛ք, տուէ՛ք թուրքերին,
Գալիս եմ, որ ես պատժեմ բէկերին»:

— Փախէ՛ք, հն, փախէ՛ք, վնյ, կանչեց բէկը,
Աւագ-որսկանն է սարիցը վազում.
Փախէ՛ք, հն, փախէ՛ք, մըտէ՛ք դագէքը,
Նըրա հետ կուուել մեզ էլ չի սաղում:

Մի շունչ չը մնաց էլ դուրսը թուրքից,
Աւագն էր նըրանց դեռ կանչում դագից.
«Ո՞ւր էք փախել, ո՞ւր, է՛յ, դուք նամարդներ,
Դո՞ւրս եկէք, տեսէ՛ք ձեր հոգէառին,
Թէ չէ կը պոկեմ բինա-դադաներ,
Չեմ թողնիլ մէկիդ շունչը բերանին»:

Թուրքերից ո՛չ մի իգիթ դուրս չեկաւ.
Սալմանի հայրը կորացած մէջքով
Եկաւ որսկանի ոտները ընկաւ,
Ու նա հեռացաւ ծերի խընդիրքով:

¹⁾ Անասունների բացօթեայ հանգստեան տեղը.

Էն օրից էս օր թուրքերն ամօթով
Հանեցին գըլխից կըռուի մըտքերը.
Պատմում են թուրք, հայ՝ ահ ու սարսափով
Աւագ-որսկանի արած գործերը.
Պատմում են որ նա ինչպէս զօրավար
Թիլիամը ունի չար դև ու սուրբից,
Որ նա չի լինիլ գընդակի աւար,
Ոչ էլ կը մեռնի նա մարդու ձեռքից.
Որ երկու բան է Աւագ-որսկանը
Ամենից մօտիկ պահում իր սրտին—
Մէկը Արրիմու հին հըրացանը,
Մէկն էլ մինուճար սիրուն Ալվարդին.
Ու գըրանց հետը ժանտ օձի նըման
Եւ մի լուռ վիշտ է միշտ նըրան կըրծում,
Որ Աստուած արզայ չը տուեց նըրան,
Որ Աւագ անունն պահէր իր ազգում.
Որ միշտ տեանելիս սիրուն Ալվարդին
Զգում է նա իր դատարկ վախճանը
Եւ սև մըտքերը փաթաթած սրտին՝
Տանջում են նըրան դուրսը թէ տանը:
«Մի օր աղջիկս ես մարդու կը տամ,
Ինքս էլ ծերացած աշխահից կ'երթամ:
Հրացանս կը մնայ պատիցը կախուած,
Ժանդում ու փոշում անբան շաղախուած.»

Երկար խանչալս էլ, արծաթով պատած,
Վախկոտի մէկը կ'առնի իր փողով,
Հազար փորձանքի արնով աշխատած
Անունս էլ հետը կը ծածկի հողով.
Սիրուն Գուգարքն էլ առանց պահապան,
Քանդելու կը գայ ամեն մի անբան.
Էլ չեմ գուրս գալ ես խոր գերեզմանից,
Էլ չեմ գըցիլ իմ հին հըրացանից»:

**

Երկնքի գըրկում լողում է լուսին.
Դեռ նըստոտած են ծեր, երիտասարդ,
Աւագ-որսկանի, Ալվարդի մասին
Խարոյկի շուրջը լըսում են հանդարտ:
Կաղնի գերանը կըրակին ընկած՝
Առատ բոցերով դեռ լոյս է սփռում.
Ճարճատում է նա, բըռընկում յանկարծ,
Հեան էլ աշուղի երգերը վառում.
Տեսած ու լըսած անթիւ դէպքերով
Եւ մէկը միւսից արժան գործքերով
Դեռ երգում է նա և այն հաստատում,
Որ առաջինն է Աւագն աշխարհըում,
Նըրանից իգիթ, նըրանից հըսկայ
Էլ թուրքում, հայում, ոչ մի տեղ չը կայ.

Եւ ուշի-ուշով նստոտած յամառ՝
 Խնդրում են նորից տըղերքն աշուղին.
 «Ա՛պի ջան, ա՛պի, երգիր մեզ համար,
 էլ չենք բընելու մենք լուսնի շողին»:
 Բոլորի ուշքն էլ որսկանը տարաւ,
 Մարում են կամաց խարոյկի կայծեր,
 Զահէլ տըղերքը գեռ երգի ծարաւ՝
 Աւելցընում են կըրակին փայտեր:
 Ո՛րը յոգնելուց գլուխը թեքած՝
 Նիրհելով կամաց, զարթնում է յանկարծ,
 Ո՛րն էլ վաղուց է անուշ խրոռացնում.
 Աւագ-որսկանին երազում տեսնում:
 Երկնքի գրկում լողում է լուսին.
 Նընջում են արդէն ծեր, երիտասարդ,
 Աւագ-որսկանի, Այվարդի մասին
 Լուսինն է խորհում երկնքում հանդարտ:

II

Արեւը չելած սարուորն արթնացաւ,
 Նորից ձորերում աղմուկ բարձրացաւ,
 Նորից սայլի տակ ճրռռում է ճամփան,
 Փըռփըռում հարսի քօղն ու զաթիպան.

Դալար իւրտերը ամպերի տակին
 Սչքները գըրցած բոչուորի ճամփին՝
 Ժըպտալով յակինթ ցողերով առատ,
 Կանչում են կարծես բոյրով անարատ:
 Կանաչի վըրան հալթաւան ¹⁾ ձեռքին՝
 Կրօնամուլ թուրքը չորեց նամազի,
 Զեռները զգոյշ տանելով միրքին՝
 Աղօթք է անում Ասածունն մեկուսի:

Կէսօր է արդէն. կանաչ Լալուարից
 Իջնում է հանգիստ ոչխարը կըթի.
 Կըթուելով մաս-մաս, անցնում է բերից ²⁾:
 Լուում է անուշ փըշշոցը կաթի,
 Հովիւ, հովուհի նստոտած շարքով՝
 Կըթում են ուրախ և անհոգ խընդում,
 Երբեմն էլ այրուած անուշիկ երգով
 Սէր են զարթեցնում մէկ-մէկի սըրտում:
 Վերջացաւ արդէն ոչխարի կիթը,
 Կաթսաներ տարան թարմ կաթնով լեքը.
 Մէկն էլ գըտակը շարժելով օդում,
 Դեռ գառնարածին՝ «Եկ, հէյ» էր կանչում.

¹⁾ Զրամանի տեսակը:

²⁾ Ոչխար կթելու տեղը:

Երկար չանցնելով, սարի գագաթին
 Գառների կայտառ հօտը երևաց,
 Խառնուելով նրանք մայրերի հօտին,
 Բերկրանքի յոյզով մայում են ցրուած.
 Կանչում են, բայում գառըն ու մաքին,
 Անուշ ձայներով փընտրում են միմեանց.
 Ո՛րը գըրանելով իրան գառնուկին,
 Կաթըն է տալիս, փայելով սրրտանց.
 Ո՛րը խաղում է մօր հետ կուշտ փորով,
 Ո՛րն էլ մընում է տրխուր մայելով.
 Եւ ամեն անգամ գառը մէր տալիս ¹⁾,
 Կարծես թէ անուշ համեղք են տալիս:
 Բայց շուտ ջոկելով մայրերը գառնից,
 Հովիւրը քըչեց նըրանց դէս՝ աքօտ,
 Մըհակն էլ ուսին գառները բինից
 Տարաւ գառնարած սառն աղբիւրի մօտ:

Հովիւ, գառնարած մի տեղ խմբուելով,
 Լախտի են խաղում, առոյգ թուչկոտում.
 Հըրծուում են նըրանց կայտառ խաղերով
 Մերերը, ծածկուած գառան մուշտակում.
 Ամեն մի նըրանց ճարպիկ թըռուչքով
 Յիշում են վաղուց կորած մանկութիւն,

1) Մայրերին տալիս—ծծեցնելիս:

Շոյելով ճերմակ միրուքը ձեռքով,
 Կանչում են՝ «նամարգ, նամարգ ծերութիւն»:
 Մէկն իր մուշտակը մի կողմն է գըցում
 Եւ դիտմամբ խառնուում տըղերանց խաղին.
 Մի լախտ է խըլում, ոլորում ձեռքում
 Եւ առիթ տալիս անվերջ ծիծաղին.
 Կանչում են՝ «Աթօ, լախտը թըռցըրօւ,
 Մեր պապի մէջքը մի լաւ տաքըրրօւ»...

Մի տեղ ձիերը տըրտընդի տալով,
 Փըռուացնում են, սարերը փախչում.
 Զահէլ տըղերքը քամանդ ¹⁾ բըռնելով,
 Նըրանց յետեւից սիւրագ ²⁾ են թըռչում,
 Մի խամ չընըստուած վայրի քուռակի
 Ամեն կողմից կալմէջ են անում.
 Ով նըրան մենակ բըռնի ու թամբի,
 Նա մի քալաղի նամառ է տանում.
 Բայց տաքացել է, կատաղել խամ ձին,
 Տըղերանց վըրայ ծառս-ծառս է ³⁾ լինում.
 Երկար քամանդը քաշելով վըզին,
 Խեղդում են նըրան և թամբը գընում.

1) Զի բռնելու պարան:

2) Զիարշաւ՝ առաջ ընկնելու նպատակով:

3) Յետին ոտների վրայ կանգնում—ծառանում:

Զուռնան էլ թողած մի կողմը լախտին՝
 Փըչում է արդէն տաք-տաք ջերիդին.
 Տըզերբը միմեանց առաջ են քըչում,
 Ծերերը դարձեալ խոր ախ են քաշում:

Իսկ հարս ու աղջիկ սամորը ուսին՝
 Գընում են խումբ-խումբ աղբիւրը ջրի,
 Գողում են նըրանց ժըպտուն երեսին
 Բոլոր գոյները Գուգարք լեռների.
 Եւ բիւր ծաղկանիչ նախշուն շորերով
 Անցնում են նըրանք ուղին հոտաւէտ
 Եւ թարմ կուտական հըմայից բոյրով
 Մըրցում են սարի ծաղիկների հետ:
 Եռում է խաղը հարսների դիմաց,
 Նայում են միմեանց աչքերի տակով,
 Կարմրում են, ժըպտում կոյսերը կամաց,
 Անցնելով անուշ սիրոյ տըրտփով:

Բայց, այ քեզ հըրաչք, մի չըշուկ անցաւ.
 «Ալվարդն է գալիս, Ալվարդն է գալիս»,
 Եռուն ջերիդը իսկոյն դադրեցաւ,
 Բոլորն էլ սառան նըրան տեսնելիս:
 Հուր-հըրին տալով քօղի արանքից,
 Նըրա աչքերը հանեցին խելքից,

էլ ոչ ջերիդ կայ և ոչ էլ զուռնայ.
 Ալվարդի նետին ո՞վ կը դիմանայ.
 Ջերիդներն ընկան հուժկու ձեռքերից,
 Ա՛խ ու հառաչանք թըռան կըրծքերից.
 Զուռնան էլ մոռցած լախտն ու ջերիդին՝
 Նըրանց տեղ զըլեց այրուած բայեաթին¹⁾:

Ալվարդի համար անի են հառաչում
 Գուգարք լեռների ամեն մի ձորից,
 Ալվարդի համար մեղուն է թըռչում
 Լօռուայ առաջին խամ մեղրի ծորից.
 Ուտում են աչքով ամենքն Ալվարդին,
 Բայց սէրն անյայտ է դեռ նըրա սըրտին.
 Նա դեռ ապրում է երազների մէջ,
 Դեռ նըրան այրել չի սէրը անշէջ.
 Բայց էն էլ ասած՝ Աւագի ահից
 Ո՞վ կարայ անցնել Ալվարդի մօտով,
 Կամ թէ փախցընել նըրան աղբիւրից
 Ո՞վ կարայ իսկի անցկացնել մըտքով:

* * *

Սև ստուերները հըսկայ լեռներից
 Չորերն են ընկել, մէկ-մէկի գըրկել,

1) Սիրոյ երգի տխուր եղանակ:

Լուսնի եղջիւրը մըռայլ ամպերից
Հալածուած դէմքը դեռ չէր ազատել.
Թանձրը եթերեան սև քօղը դէմքին
Վազվրդում էր նա յոգեած ու անքուն,
Նայելով հերթով բոլոր օբեքին,
Հըսկում էր նըրանց գիշերը արթուն.
Օրօր էր երգում առուն ձորերում,
Մարում էր մէկ-մէկ կըրակն օբեքի,
Բայց ականակիր սարի խաւարում
Մենակ մի կայծ էր դողում ճըրագէ.
Ղարախաչ ¹⁾ սարի գիծ գագաթներին
Լուսինն էլ գերի մընաց ամպերին.
Այնտեղ ծովիանն է խաղում, որոտում,
Հըրեղէն գօտին երկնքով պատում:
Շըրիչըփաց անձրև. ամեն մի տեղով
Առուններ դառան պըղտօր հեղեղով:
Չարթնելով քընից սարուօրը յանկարծ,
Ամրացրեց դագի հին ծակ ու ծուկը.
Տաւար ու ոչխար իրարով ընկած՝
Խառնեցին միմեանց գառն ու հորթուկը.

¹⁾ Լօռուայ և Եիրակի սահմանում ձգուած բարձր սարը:

Հովիւը հասաւ ազդարար ձայնով
Հաւաքեց նըրանց դէպի արխաջը,
Բայց դեռ լըսում էր տըխուր ոռնալով
Դօլանից ¹⁾ փախած շըների հաջը:
Սարեր ու ձորեր ահից դողալով,
Արձագանք տուին փայլակ-կայծակին,
Լեռների որդին մըթին գիշերով
Անցնում էր հեղեղ՝ մի սև ձի տակին.
Գոռում էր, ճըչում ահաւօր կիրճում
Փըրփըրած բաշով սևացած ուրիուն ²⁾,
Բայց ձիաւօրը մի աղօթք մըտքում
Դեռ մըրմնջալով, քըչում էր անքուն:
Չին առանց զարդի, սանձի ու թամբի
Յատկում էր արագ ժայռերի վարսեր,
Ինչպէս մի ստուեր սևակնած ամպի
Թըռչում էր գետեր և դար ու փոսեր.
Իսկ դօփիւնները պինդ ամբակներից
Արձագանք տալով խորին ձորերում,
Կայծին են տալիս զարնուած կայծբարից,
Փայլատակում են և յանկարծ մարում:

¹⁾ Շան նստելու և հօտին հսկելու տեղը:

²⁾ Հեղեղից առաջացած մեծ գետ:

Ռընգներից ամպի փրփուր է հոսում,
 Խառնում է պըղտոր, վըշշան հեղեղին.
 Ձին իր հեծուորին այնպէս էր սազում,
 Ինչպէս որ նետը իրան աղեղին:

«Էս ուրկունիցն էլ թէ դուրս թըռաւ ձիս,
 Մուրազ եմ անում գընամ Սուրբ-Մարգիս.
 Հասուէհաս եմ հա՛, ճըրագ եմ տեսնում,
 Գիշերս կը մնամ հայերի բինում:
 Հէնց որ անձրևը միքիչ դադարի,
 Նորից կը բըռնեմ ճամփէն Լալուարի»:
 Աչքերը յառած բինի ճըրագին,
 Հեծուորն էր այդպէս ձիուն մրմնջում,
 Նըրա սև բաշը ոլորած ձեռքին,
 Կարծես ուզում էր հասնել մի շնչում:
 Փըռուացրեց սև ձին, դոփեց սմբակով,
 Նետի պէս ցըցուեց արխաջի ծայրին.
 Մի շուն դօլանից վեր թըռաւ հաջով
 Եւ թարշարթ արաւ քընից սարուորին.
 Շըներն աղմուկով զայրացած հասան,
 Այն ձիաւորին կալմէջ արեցին.
 Իսկ հովիւները՝ «ո՛վ ես» ու «քի՛մ սան»,
 Նըրան խաւարից մէկ-մէկ ձայնեցին:

—Մըթին զիշեր է, կորցրել եմ ճամփէս,
 Պատասխանեց նա, զօնազ եկայ ձեզ:

Ութսունից մօտիկ վեհ բարձրահասակ,
 Հերքը ալևոր, ձիւնից էլ ճերմակ,
 Արժաթապատեան դաշոյնը գօտին,
 Հին արկածների կընձիռներ դէմքին,
 Սև-մազ եափնջին ուտերին բազմած,
 Երկար չիբուխն էլ բերանին սեղմած,
 Կանգնելով ծերը ալաչխի շէմքին՝
 Խրոխտալի ձայնով կանչեց ճամփորդին.

«Ե՛կ, ճամփորդ ախպէր, արխաջի մօտով,
 Դուրսը անձրև է խառը կարկուտով.
 Մինչև չը նստես դու էլ իմ տանը,
 Պատառ չեմ դընիլ ես իմ բերանը.
 Ե՛կ, ախպէր ջան, եկ, զօնաղն Աստծունն է,
 Անմեռ աշխարհն էլ իգիթ մարդունն է»:

Հեծուորը եկաւ ծերի հրաւերով,
 Աև ձին էլ տակին սև ամպի նըման,
 Ուռած ոընգներից թառանչ բաշելով,
 Թըռաւ ու կանգնեց նըրան յանդիման:

— Բնորի իրիկուն, ասաց նա, սարուոր,
 Վաս որ չը տեսնի գըլուխդ ալուոր.
 Թո՛ղ վառ լինի միշտ բինում ճըրագդ,
 Թո՛ղ տափը չառնի վերջին գընդակդ։

«Բնորին արևիդ. համեցէք, որդի,
 Թո՛ղ ձիդ օրիւկի ¹⁾ հանդումը ծառան,
 Դու եկ անձրևից ալաչուխ մըտի.
 Ալվարդ ջան, վեր կաց դու էլ տաքարան,
 Որսի խորոված շամիրի, պատրաստի,
 Կուշտը սովածին մանրը կը բրդի»։

Այդպէս պատուէրներ տալով Ալվարդին,
 Ալաչուխ տարաւ ծերը ճամիրորդին,
 Որի ետինից ծորում էր ջուրը,
 Ինչպէս մամռոտած ժայռից աղբիւրը.
 Բայց նա թափ տալով շորերը շէմբին,
 Մօտեցաւ, նստեց ծերունու կողքին:
 Թուրն ու դաշոյնը կեռ արծաթապատ,
 Գընդակ-վառօղի ամանը գօտին,
 Չախմախի հրացան զուգուած տասնաբանդ,
 Շահմար ²⁾ օձի պէս լուռ փարուած մէջբին,

¹⁾ Արածելու համար կապել երկար թուկով

²⁾ Օձերի մայր-թագուհի:

Ձէնը ու զըրահում, արծաթում մըտած՝
 Ճըրագի լոյսով հիւրը շողշողաց։

Սերն ու կարագը առաջ բերելով,
 Ալվարդն եփում էր դեռ տաքարանը.
 Մի քանի խօսքով սուփրէն օրհնելով,
 Ծերունին դարձաւ աղօթարանը.

«Թո՛ղ նըրան տանի սելաւն ու գետը,
 Ո՛վ աղուհացի օրէնքն ուրանայ,
 Ո՛վ զօնաղ եկած թըշնամու հետը
 Չի նստիլ ուրախ մարդի-մարդանայ.
 Թըշնամի կըլնես թէ ինձ բարեկամ,
 Դուռս բաց կըլնի քեզ ամեն անգամ.
 Քանի որ կ'ուզես իմ ալաչուխում
 Սիրտդ բաց արա, ինձ հետ կեր ու խնամ»։

Երբ շամիրները մէկ-մէկ շարելով,
 Դարսում էր կոյսը կարմըրած շեղջին,
 Կամ խորովածը արագ շըրջելով,
 Բերում էր, գընում հիւրի առաջին,
 Յորուն աչերը յօնքերի տակից
 Ընկնում էին միշտ փայլուն զէնքերին

Եւ արեճածան մազի արանքից
 Նա դաղտնագողի գիտում էր հիւրինս
 Խիտ գանգուրները յանկարծ ցընցուելով,
 Մերթ այտերն էին վարդի պէս փայում,
 Մերթ շամփուրները նորից շարելով,
 Հիւրի սիրան էլ էր նա հետը այրում:
 Ե՛ւ անըընութիւն, և՛ երկար ճամփէն
 Վերացան իսպառ ճամփորդի մլտքից.
 Սևսև աչերը շանթելով արդէն,
 Անցան շեշտակի սուր նըրա կըրձքից.
 Մոռցաւ ինքն իրան, երկիր ու երկին,
 Երեբաց անուշ, անսովոր դողով,
 Եւ կեանքի գընով գողցած նըժոյգին
 Նա մոռցաւ միայն երկու աչերով:

Տեսնելով հիւրի թևի արիւնը,
 Ծերունին հարցրեց նըրա անունը.
 «Ինչի՞ չես, որդի, դարդդ ինձ ասում,
 Էդ ինչ արիւն է թևիցդ հոսում:
 Ե՛կ, դու մի ծածկիր, անունդ ինձ բախշի,
 Չեմ թողնիլ որ բեզ էդ ցաւը մաշի:
 Աւագ-որսկանն եմ Գուգարաց երկրի,
 Կըռիւների մէջ հերքս ճերմակած,

Քեզ նըման ես էլ հազար վէրքերի
 Խոռոչներ ունեմ մարմնիս ընկած»:

— Տէրն Ինքը հաստատ պահի բո տունը,
 Վազուց եմ լսել բո մեծ անունը.
 Ձախ թևիս միջին գընդակ է մնացել,
 Ի՛նչ անես, ապի, դըժուար է հանել:

«Ա՛նհող կաց, որդի, ինչ վէրք էլ լինի,
 Սղջիկս նըրան դեղ ու ճար կ'անի:
 Նա սովորել է հանգուցեալ մօրից,
 Որ բըժըշկում էր գընդակ ու սըրից:
 Ալվարդ ջան, աղջի, ճար ունես, դէ տես.
 Ձահէլ է, մեղը է, կըռնատ ¹⁾ չը թողնես»:
 Եւ Ալվարդն եկաւ դեղի փաթեթով,
 Գընդակը հանեց մի երկար կարթով.
 Վէրքը նա լուաց, դեղը փաթաթեց,
 Վրան էլ մետաքսի թաշկինակ կապեց.
 Իսկ հիւրն Ալվարդով այնքան հիացաւ,
 Որ գընդակ ու ցաւ իսպառ մոռացաւ:

Ռէ, պատմիր, որդի, գըլխիդ անցուանքը,
 Թէ որտեղ հասաւ բեզ էս փորձանքը:

1) Առանց թևի

—Այ, ապի, լըսիր սըրտիս գաղտնիքը,
 Ո՛չինչ չեմ ծածկել, կը պատմեմ անվախ.—
 Եւ հիւրն արիւնով աչքերը լիքը
 Դեռ վազրի նըման նետեց աջ ու ձախ.
 —Բայց առաջ բախշի ինձ, Աւագ-որսկան,
 Որ ինձանից գող թուրքեր էլ չը կան.
 Իսկ թէ քեզ մօտ էլ դուրս գամ մեղաւոր,
 Ինձ համար եղիր դու խիստ դատաւոր:

«Իզուր ես եկել, մըտել իմ տունը,
 Ինձ մօտ չես գըտնիլ քօ փըրկութիւնը.
 Հոգիս էլ կը տամ ես իմ ղօնաղին,
 Բայց չեմ խընայիլ, պաշտպանիլ գողին:
 Գիշերս կը տամ ես քեզ ապաստան,
 Կը դարթես քընից, կ'երթաս ապահով,
 Յետոյ կը փընտրեմ ես ինչպէս որսկան
 Եւ կ'անեմ մի օր քեզ գընդախորով:
 Դէ, պատմիր, տեսնեմ՝ էդ ինչ ահարկու՝
 Սարերը ընկած աւագակ ես դու»:

—Դարուն էր, ապի, սարը քօչելիս
 Մի քանի հարուստ թուրք աղալարներ՝
 Աղբիւրի ափին նամազ անելիս,
 Օրիւկել էին իրանց ձիաններ:

Երբ ես անտառից յանկարծ դուրս եկայ,
 Նըրանց միամիտ բարով տուեցի.
 Նըրանք ծաղրեցին և հըռհըռալով
 Հարցըրին ինձ.— Հայ, ձու գողցար թէ ձի:
 Էն օրից թէ և տարիներ անցան,
 Բայց նըրանց ծաղրը մընաց իմ սըրտում,
 Եւ ես երգուեցի էն ծաղրի թոյնով
 Լինել աւագակ, գող ու մարդասպան.
 Գիշերը անցնել թուրքերի բինով
 Եւ մահ գողալով քըչել ամեն բան:
 Հէնց էն ինձ ծաղրող մեծ աղալարին
 Գիշեր ու ցերեկ փընտրելով արթուն,
 Վերջը ես գըտայ Ղարախաչ սարին,
 Ուր նա յայտնի է ինչպէս մեծատուն:
 Ասլան-բէկն է նա, քաջ և անուանի,
 Տաւար-ոչխարի հօտերով հարուստ,
 Բայց ամենից լաւ մի սև ձի ունի,
 Որ աշխարհ արժի մենակ արտաքուստ.
 Չի հասնիլ նըրան հին հէքեաթների
 Թէկուզ հըրեղէն ձին իր թուերով,
 Չի հասնիլ նըրան և գընդակների
 Կարմիր տըժժոցը մըռայլ գիշերով.
 Առաջուց գիտի նա՝ թէ փորձանքը
 Եւ թէ հեծուորի սըրտի բաղձանքը:

Մըթին գիշեր էր, հէնց գողի գիշեր,
 Երբ Ասլան-բէկի օրին մօտեցայ,
 Հէնց որ օրիւկը բհրից կըտրեցի,
 Վեր կացաւ յանկարծ մի շուն դօլանից,
 Երկաթի սակապն էլ որ կտարեցի,
 Դըղըրդաց օրէն հարայի ձէնից.
 Մարգիկ վազում են, շըները հաճում,
 Բայց ես փորըսող գեանին եմ կըպչում,
 Եւ հարահըրոցի թունդ տրաքտրաքոցին
 Թըռչում եմ, սանձում սակապով սև ձին:
 Նորից դըղըրդաց, գընդակ որոտաց.
 «Տարան հա՛, տարան բէկի սևուկը».
 Բայց ես նետի պէս ականջը մըտած՝
 Քըշում եմ նըրանց գոված նըթոյգը.
 Տըրաք հա՛ տըրաք գընդակներ թըռան.
 Խառնըլած օրէն գոռում էր. «Տարան,
 Հասէք, հա՛, հասէք, դեալի-էրմանին
 Կենդանի թաղեց իգիթ Ասլանին»:
 Խըրխընջում էր ձին, ոտկապը կըրծում,
 Փրփուրն ամպի պէս ունդներից գըցում
 Եւ կըրակ կըտրած էնպէս էր վազում,
 Որ կ'ասես հեռուից գընդակ էր բըղըում:
 Թէ որ ես նըրան հեծած չըլնէի,
 Ով գիտէր թէ ողջ էստեղ հասնէի:

Յանկարծ դըրոյցը Կարօն կըտրելով,
 Դիմեց որսկանին այսպէս խընդբելով.
 — Հերիք է, ապի, ես լոյսն եմ ընկնում,
 Տաւար ու ոչխար արօտ են գընում:
 Թէ նամարդ եմ ես, զարկիր գընդակով,
 Թէ չէ ճամփայ տուր ինձ քօ օրհնանքով:

«Համբերիր, Կարօ, համբերիր մի քիչ,
 Մի օր էլ կըլնես թոյլերի փրկիչ.
 Էս գիշեր պատմած գըլխիդ անցբերը
 Մոռցըրին ծերիս ճերմակ հերբերը.
 Թէ գող լինէիր թուրքի պէս անմիտ,
 Ես չէի ասիլ քեզ երբէք իգիթ.
 Բայց երբոր գող ես մենակ թասիբից,
 Էն էլ նամարդին պատժելու համար,
 Օգնութիւն կը գայ քեզ ամեն սուրբից
 Եւ դու կը լինես անյաղթ զօրավար.
 Մարդը նամարդին թէ մէօհտաջ¹⁾ կ'անես,
 Աւագ-որսկանից պատիժդ կ'առնես:
 Դէ, տուր խանչալդ, օրհնեմ իմ սըրով,
 Որ քեզ տեսնելիս գողայ թըշնամիդ.

1) Պարտական:

Քեզ պէս թասիբի աւագակներով
Լըցուեն մեր երկրի սար, դաշտ ու հովիտ»:

Ծերը պատեանից դաշոյնը հանեց
Եւ խաչ քաշելով Կարօյի սըրին,
Պապական ծխով նա քաջին օրհնեց,
Ապա օրիւկից նըրա ձին բերին
Եւ Կարօն թըռաւ առոյգ ոստիւնով,
Կըպաւ մերկանդամ սևուկի մէջքին.
Խըրխնջաց սև ձին ու փըռնչիւնով
Թըռչկոտաց հուժգու հեծուորի տակին:
Եւ սիրտն ու հոգին թողած Ալվարդին,
Կարօն՝ մնաս բարով ասաց Աւագին:

Ծէգում էր արդէն, էլ Կարօն չը կար.
Ալվարդը գընաց՝ ինչպէս խելագար,
Ալաչուխ մըտաւ, սափօրը ուսեց,
Երգի մըրմունջով աղբիւրը փազեց:
Ձիու հետքերը յանկարծ նա գըտաւ,
Այնտեղից պոկեց մի փունջ կանաչ խոտ
Եւ համբուրելով նըրա մէջ գըրաւ
Կարօյի թողած գընդակը արնոտ:
Բայց խոր ձորերում կամաց մարելով,
Դեռ գըրնգում էր պայտերի դոփիւն,

Նըրան երբեմն արձագանք տարով,
Ձուլում էր երգի անուշիկ հընչիւն.
Ալվարդն էլ յենուած դեռ ժայռին, դաղանի՝
Կարծես ուզում էր երգողին գըտնի:

Լալուարայ բարձր սարից
Շատ սիրուն է աշխարհը.
Ամպի տակի աղբիւրից
Ձուր է տանում իմ ետըր:

Աղբիւր, ծաղիկն ու լալը ¹⁾
Շատ առատ են Լալուարին.
Բայց իմ սիրած մարալը
Արժի արար-աշխարհին:

Ա՛խ, էն աղջիկն աչք-ունըրով
Ինձ զարկել է գնդակով.
Ձուր է թուչում իմ սև ձին,
Սիրտս կըպաւ Ալվարդին:

էլ մի թուչիր, ձիաւոր,
Արծուի պէս թեւաւոր.

¹⁾ Հանք:

Ե՛տ արի, ետ Լալուարը,
Մենակ մընաց մարալը:

*
**

Աւագ-որսկանը, հայրը Ալվարդի,
Ձիբուխը բերնին դեռ նըստած արթուն՝
Յիշում է մըտքում կեանքը որսորդի,
Դիտելով ծուխը գիշերը արթուն.
Եւ արինաներկ ծեք յիշողութեան
Ամեն մի մոռցած, կորած անկիւնում
Սև ծըխի մըռայլ ամպերի նըման
Անցած օրերն են մէկ-մէկ բարձրանում.
Իսկ ալաչուխում պառկած առանձին
Գըլուխը բարձին թեքել է Ալվարդ,
Քնի մէջ կարծես թռել է հոգին
Մի աշխարհ՝ անվերջ անուշ ու անդարդ:

Մարել են ճրագի կայծերը աղօտ,
Նընջում է ամբողջ օրէն մըրափած.
Յանկարծ հեռւում թընդաց մի սրտտ,
Խոր քնից խսկոյն Ալվարդը զարթած,
Աչքերը յառեց ծեքունու դէմքին
Եւ յուզուած պատմեց երազ անմեկին.

«Քընած էի ես, տեսայ երազում
Մի սիրուն պախրայ անտառից վաղեց,
Մեր կովերի հեռ կանգնած արխաջում
Աղաքարերից մի քիչ աղ լիզեց.
Նա պողեր ունէր մէկ-մէկի վըրան
Անտառում բըսած ծառերի նըման.
Ինչպէս մի ընկեր կարօտած սիրով,
Եկաւ փաթաթուեց, փարուեց իմ շորով.
Բայց մէկ էլ տեսայ ապիս բարկացած,
Հրացանը լցըրեց, դարձաւ դէպի մեզ.
Ես էլ վեր թըռայ տեղից վախեցած,
Կանչեցի նըրան, խընդրելով էսպէս.
Ա՛պի ջան, ա՛պի, մի սպանիր պախրան,
Թ՛ող, բըռնել եմ ես որ պահեմ նըրան.
Ապիս չը լսեց. խեղճ պախրան ընկաւ,
Կ'ասես թէ գընդակն իմ սրտովն անցաւ»:

Վերջն այսպէս խօսեց խոր յօրանջելով,
Հարևան բինի մի պառաւ կընիկ,
Որ թափանցել էր, դարի գըրցելով,
Մեծ երազների խորհուրդ ու գաղտնիք.
— Երազն է անվերջ մի սիրուն աշխարհ,
Ուր միշտ ապրելով ինչպէս ոգիներ,

Կարօտ սրբաերը գըտնում են իրար,
 Շընչում են անուշ, թափում արցունքներ:
 Լըսում են, Ալվարդ, սըրտիդ տըրօփից՝
 Դու դեռ գողում ես մահուան սարսափից.
 Ո՞վ է բաժանել կեանքը երկուսի,
 Ո՞վ է խանգարել հանգիստը կոյսի:
 Գընդակ ու պախրայ, լացը կուսական
 Խաղեր չեն եղել անհոգ մանկական,
 Այլ մարմնից ազատ երազի ոգին
 Գուշակել է քո մըռայլ ապագան.
 Ե՛լ տանջանք է նա պատրաստում կըրծքին,
 Ե՛լ խոստանում, թէ լաւ օրեր կը գան:
 Կ'ազատուես, Ալվարդ, դու չար փորձանքից,
 Թէ պախրայ չընկնի հօրդ գընդակից»:
 Եւ Ալվարդն այդպէս պառաւից լըսեց,
 Որ այն երազից ցաւ չը կայ իրան.
 Երազահանն էլ ծերին համոզեց,
 Որ այնուհետեւ որս չանի պախրան:

*
**

Խոր ձորի միջին, մի ժայռի կըրծքից
 Աղբիւր է բըղխում ուրախ քըչքըչան.
 Նըրա ձայները անուշ բիւր երգից՝
 Սարեցու համար վաղուց սըբացան.

Սիրոյ-աղբիւր է նա հընուց ասուել,
 Սիրուն կոյսեր են միշտ նըրան ուխտել,
 Եւ գուշակել է ջըրի ելևէջ,
 Թէ ո՞վ երջանիկ կըլնի սիրոյ մէջ:
 Դարերից ի վեր աղբիւրը հոսում,
 Դեռ սիրոյ մասին երգեր է հիւսում,
 Եւ գըլգըլալով ձմեռ ու ամառ,
 Դեռ նա երգում է սիրելու համար:
 Գնում է Ալվարդ դէպ՝ սիրոյ-աղբիւր՝
 Իրանց տան համար տանելու պաղ ջուր:
 Հասնելով ձորը մի նեղ կածանով,
 Դեռ ծաղիկներ է նա շարում կըրծքին
 Եւ գիւլուններից մեղմ անուշ ձայնով
 Երգում է սիրոյ-աղբիւրի ափին.
 Սարերն էլ նըրան ուրախ քըրբիջով
 Արձագանք տուին ժայռերի միջով:

«Աղբիւր, աղբիւր, ջան աղբիւր,
 Զուրդ գըլգըլան աղբիւր,
 Վարդը բացում է բոյրով,
 Սէրն ապրում է համբոյրով.
 Թէ որ գըտնես իմ եարին,
 Մոմ կը վառես քո բարին»:

—Ալվարդ, Ալվարդ, ջան Ալվարդ,
 Բիւլբիւլն էրուում է անվարդ,
 Հեռուից տանջուած քո սիրով
 Դեռ կըուում են հուր-սրբով.
 Բայց ամենից՝ աշխարհում,
 Գող Կարօն է ըեզ սիրում:

«Աղբիւր, աղբիւր, ջան աղբիւր,
 Զուրդ գըլգըլան աղբիւր,
 Վայ թէ ապիս իմանայ
 Ու մեզ վըրայ բարկանայ.
 Եթէ Կարօն ինձ տանի,
 Վայ թէ նըրան ըսպանի»:

—Ալվարդ, Ալվարդ, ջան Ալվարդ,
 Բիւլբիւլն էրուում է անվարդ,
 Թէ որ մեռնէք երկուսով
 Աշխարհի մէջ նամուսով,
 Սիրոյ շէմքում ձեր ճըրազ
 Վառ կը մընայ անկըթիկ:

Աղբիւրի ափին Լալուարի կոյսին
 Կարօն սիրել է սափորը ուսին.

Թէկուզ և դարկեն գընդակ մահացու,
 Կարօն ընտրել է նըրան հարսնացու:

III

Ուր սուր ծերպերով ահեղ ջիբուցան
 Լիռներն են բազմած բընութեան արձան,
 Ուր թուխ ամպերն են գունդագունդ զինուում,
 Փայլակ-կայծակով իրար հետ կըուում՝
 Զարներով միմեանց երկիր ու եթեր,
 Թըռչկոտում են հուր կայծակի շանթեր,
 Խաղում են, գոռում ճայթիւն որոտով,
 Ծեծում լեռներին, ծաղրում կարկուտով:
 Այնտեղ գիշերուայ խաւարի միջին
 Մի խարոյկ վառուեց Լալուարի լանջին.
 Զորերի քաջեր որսի են եկել,
 Կըրակի շուրջը շարքով նըստատել.
 Ոմանք չըակում են շողշողուն գէնքեր,
 Կարմիր բոցերից փայլում են դէմքեր,
 Ոմանք խորովում են եղնիկ կամ վարազ
 Երկար ձողերով շեղլի վրայ շարած,
 Եւ լուռ նըստատած ետմնջի տակին՝
 Շարունակ լարուած լըսում են մէկին:

Ինչպէս խոր ձորում գընդակ ու վառօղ՝
 Թընդում է մէկի ձայնը կըրակոտ,
 Այնպէս է գըլլի անցուածքը պատմում,
 Կարծես Լալուարին ամպ է որոտում:

«Անցնելով հազար արիւն-փորձանքից,
 Մահուան հետ ընկեր-ախպէր եմ դառել,
 Նամարդ չի պըրծել դեռ իմ գընդակից,
 Գըլլիս մազի չափ որսեր եմ արել.
 Դեռ ոյժ ունեմ ես վագրից առաւել,
 Գընդակս էլ որսից իսկի չի շեղուել.
 Բայց աղջիկս արդէն տեսաւ երազում,
 Որ որս անելը էլ ինձ չի սաղում.
 Ես էլ ուխտում եմ արիւն չը թափեմ,
 Այլ ջահէնքերիդ համար աղօթեմ,
 Որ դուք էլ գընաք իմ թողած հետքով,
 Պահէք աւանդը մեր սուրբ պապական,
 Մէկն իր կատարած արժանի գործով
 Իմ տեղը լինի նոր Աւագ-որսկան»:

Զարմացած ծերի վերջին խօսքերով՝
 Տըղերքը դարձան նրբան հարցնելով.
 —Քեզից ձորերում՝ գող-մարդ-ասպան
 Դողում են, մարդիկ, հարամի, գազան.

Ով որ գընդակիդ ձէնը լըսում է,
 «Աւագ-որսկանն է էլի», ասում է.
 Թէկուզ դու լինես հարիւր տարեկան,
 Ո՛վ կարայ լինել քեզ նըման որսկան:
 «Մի շարաթ էլ կայ դեռ Վարդավառին,
 Որ սար ու ձորից ուխտ գան Լալուարին.
 Երբոր էն օրը գան ծեր, պատանի,
 Թո՛ղ ով որ քաջ է՝ նամառը տանի:
 Մինչև որ անցնեն էս չորս-հինգ օրը,
 Տակն ու վրայ արէք դուք սարն ու ձորը.
 Ով որ մեծ որսով կը գայ Սուրբ-Սարգիս,
 Նա էլ կը լինի ժառանգն Աւագիս»:

Երբ գիշերը անց, հէնց լուսադէմին,
 Խօսքը վերջացրեց Աւագ ծերունին,
 Տըղերքը մեծ-մեծ որսերի յոյսով
 Պարկ ու հրացան գըցեցին ուսով.
 Ո՛րը սարերին, ո՛րը ձորերում
 Հրացանը ձեռին որս է որոնում:
 Մի տեղ եղնիկն է անմեղ բառաչում,
 Մի տեղ պախրան է յանկարծ հառաչում:
 Մի տեղ էլ արջին որջից հանելով,
 Կըռում է մէկը իր սուր խանչալով:

Գազանը տալով որսորդին ապտակ,
 Դեռ պաշտպանու՞մ է նրա սրբի տակ.
 Վայրի վարազը սըլեհը ¹⁾ սըրած՝
 Մացառն է նետուել ուելը փըրփըրած.
 Նորից գընդակ են հրացանը լըցնում,
 Նորից վազելով ետեից հասնում:
 Եւ որս ու որսկան սիւրագ ընկնելով,
 Խեղդում են շատին շան վոհմակներով.
 Ոմանք էլ լօքում, լիճկապ են անում
 Եւ փախածներից նորից կոտորում:

Ամեն տեղ գընդակ, կըրակ, որոտում,
 Բայց ինչի Կարօն որս չէ պատրաստում:
 Նա թափառելով հրացանը ձեռին,
 Դեռ նոր էր գըրտել մի յարմար դարան
 Եւ մըտածելով իր որսի մասին,
 Լուռ գանգատում էր բախտից ինքն իրան.
 «Ես էլ եմ ուզում գընալ Սուրբ-Սարգիս,
 Ես էլ եմ ուզում տեսնել Արվարդիս»:
 Բայց ինչ արած որ դեռ նրա բախտից
 Որս չը դուրս եկաւ էն առատ հանդից:

¹⁾ Ժանիքը:

«Էրնէկ անմուրազ էս ձորում մընամ,
 Քան թէ ես դատարկ Լալուարը գընամ»:

Ուր առուակները մանուկ կարկաչով
 Դիմում են ձորեր, լըցնում հառաչով,
 Ժայռերից ժայռեր թափ առած, ոյժով,
 Թընդիւն որոտով փրփրում է չըրվէժ,
 Մըռութը կիտած հին ապառաժով
 Ջարդուելով անյոյս, երգում է վըրէժ.
 Ուր զեփիւռ մեղմիկ ցըրուելով բոյրը,
 Սուզում է սիրտը վայելքի ծովում,
 Իսկ թարմ շուրթերի կոյսի համբոյրը
 Ծաղիկների հետ անմեղ բարեում:
 Ուր զգացումն է բըռընկում հուժկու,
 Աղանուցը հեզ, արծուից ահարկու,
 Կրսի հըրաթափ գընդակի թըռիչ,
 Ջըրվէժի վայրի երգը ձորերում,
 Ամեն մի հընչիւն, անուշիկ, թովիչ,
 Անցնում է սիրտը նըրանով փարում:—
 Այն կամարի տակ անսահման կապոյտ
 Լալուարն է զարթում հարսի պէս անփոյթ:
 Գուգարքի հըսկան բարձըր եթերից,
 Գըլուխը հաղիւ հանած ամպերից՝

Ժրպատում է, խնդում փոքրը լեռներով,
 Որպէս ծերունին իրան թոռներով:
 Այսօր նա ժրպիտն անուշ ճակատին՝
 Ամպ-երեսկալը գրցած երկնքով,
 Զուգում է ուրախ Սուրբ-Սարգսի ուխտին
 Գուգարը աշխարհի զարդ ու պըճրանքով.
 Իսկ նըրա բարձրը դալար գագաթին
 Անշուք քարեկոյան առանց տանիքի,
 Հին սուրբ խաչքարը բազմած քարափին՝
 Գրաւում է սիրտը ուխտուր բինէքի.
 Սար, դաշտ ու հովիտ անթիւ ցիր ու ցան,
 Փըրփըրուն գետեր, դալար անտառներ
 Մի նուիրական նեղ, մոլոր կածան
 Այնտեղ է տանում բոլոր բինաներ:
 Ասում են՝ ով որ միշտ վառ հաւատով
 Գալիս է Լալուար որեէ ուխտով,
 Խնդրում, աղերսում քաջ Սուրբ-Սարգըսին,
 Հասնում է անշուշտ սրբաի մուրազին.
 Եւ թէ մարդ, թէ սար, թէ այլ ու բըլուր,
 Յաղթուած գըլխներով խոնարհուելով լուռ,
 Գալիս են նըրա զօրութեան ծառայ,
 Որպէսզի հասած ցաւը վերանայ.
 Ոմանք հասնելով բըրտինքն երեսին,
 Հանգստանում են Լալուարայ ուսին,

Ոմանք էլ հեռուից երկար շարքերով
 Աչքները յառած դէպի սուրբ սարը՝
 Գալիս են բարձուած հազար մեղքերով,
 Որպէսզի գտնեն փրկութեան ճարը:
 Արդէն ջերմեռանդ ծեր, պատանի, կին՝
 Հազար գունաւոր զգեստներ հագին,
 Մատուռի շուրջը խունկ ու մոմերով
 Պըտոյտ են գալիս բոքիկ ոտներով:
 Բերել են այնտեղ և՛ հիւանդներին,
 Ե՛ւ խաչ-փաթաթուկ ¹⁾ թոյլ ընկածներին.
 Ո՛րը մի ցաւից, կամ չօռից տըկար
 Ընկել է կըծկուած սուրբի ոտները,
 Ո՛րն էլ ուշաթափ մօրուց ցաւագար
 Իրար է զարկում պինդ ատամները,
 Բերանը փրփըրած՝ տանջում չարաչար,
 Քաջ զօրավարից աղերսում մի ճար.
 Եւ մուրազներով՝ թըշուառ, բախտաւոր,
 Մոմեր են վառում սուրբ խորհրդաւոր:
 Մի տեղ ուխտուրը նըստում է ճաշի,
 Մի տեղ գընում են կոխին ²⁾ թամաշի,

1) Խաչի պատժած անդամալուծներին.

2) Գոտեմարտ:

Մի տեղ խընձորը նըշան են խըփում,
 Մի տեղ մատաղը դեռ նոր են եփում,
 Մի տեղ աշուղը լի սուփրի ծէրին
 Բազմած, խըփում է սագի սիմերին.
 Մերթ իգիթների գործերն է գովում,
 Մերթ նամարգների սիրաը նըզովում:
 Մի տեղ նաղարան զըլում է պարին,
 Զուռնա-բայեաթին կանչում է եարին.
 Մէկը տեսնում է իր նըշանածին,
 Մէկը նըշանում մըտքում սիրածին.
 Մի տեղ էլ անմեղ կուսակա՛ն սըրտեր,
 Ըզգալով սիրոյ առաջին շանթեր,
 Զեռք-ձեռքի տուած երգում են, պարում.
 Ամենքի դէմքին ժըպիտ է փայլում:

«Մուրազատու ո՛վ Սուրբ-Սարգիս,
 Դո՛ւ պահպանիր մեզ ամենքիս.
 Ամեն տարի պատ ու ծոմով
 Մենք ուխտ կը գանք խունկ ու ժոմով
 Եւ ծունկ չողած մենք Լալուարին՝
 Աղօթք կ'անենք զօրավարին.
 Զահէլ-ջիւան մեր սիրածին
 Հասիր որսի դըժուար ճամփին.

Հասիր նըրան, որ նամուսով
 Շուտ գայ Լալուար մի մեծ որսով:
 Մանուկ ու ծեր քարեր գըրկած՝
 Աղաչում ենք օտգ ընկած.
 Ցուերը տո՛ւր սար ու քարին,
 Անուշ մուրազ՝ սիրած եարին.
 Մուրազատու ո՛վ Սուրբ-Սարգիս,
 Դո՛ւ պահպանիր մեզ ամենքիս»:

Իսկ այնտեղ խմբով անուանի քաջեր
 Զէնք ու զըրահըզըցած ուսերով՝
 Բերել են եղնիկ, եղջերու, արջեր
 Եւ պարծենում են իրանց որսերով.
 Բայց յանկարծ լըսուեց կանացի հառաչ,
 Մի խումբ աղջիկներ վազեցին առաջ
 Եւ հեկեկալով յայտնեցին ծերին.
 —Սիրուն Ալվարդին թուրքերը փախցրին.
 Զօրս-հինգ ձիաւոր զինուած հրացանով
 Անցնում էին լուռ մուր կածանով.
 Հէնց որ մեզ տեսան, նրանք կանգնեցին,
 Իրար յայտնելով, առաջ վազեցին.
 «Մի տես էս սիրուն, լէյլի աղջկան,
 Նըրա պէս հիւրիք երկնքում չը կան.

Դեալի-էրմանու գողցած Սևուկն էլ,
 Արար-աշխարհն էլ մըտքէս հանեց նա:
 Դէ, տեսնեմ, արդերբ, ս'վ կարայ բըռնել.
 Նըրան փախցնողը ջաննաթ կը գընայ»:
 Եւ նըրանք տարան սիրուն Ալվարգին,
 Կորած ձիու տեղ կապեցին (թարբին¹⁾).
 Մենք լըսում էինք դեռ նըրա հարան.
 «Ապի ջան, ապի», կանչում էր, «տարան»:

Ծերունին կանգնած քարափի գըլխին՝
 Չայրացած ուժգին դարձաւ ամբոխին.
 «Հէյ, արդերբ, ^{բըռն} ս'ն սուգ պահեցէք,
 Դափ ու գուռնայի ձէնն էլ կըտրեցէք.
 Տեսնում եմ որ դուք շատ ոյժ էք թափել
 Եւ գազանների մեծ որսեր բերել.
 Բայց ոչ որ չի'լնիլ դեռ Աւագ-որսկան,
 Մինչև չազատի գերի աղջկան.
 Վայ, թէ թուրքերն էլ անպատուեն նըրան,
 Ամօթ, նախատինք կը մնայ յաւիտեան»...
 Դեռ չէր վերջացրել խօսքը ծերունին,
 Մի տրաքոց լըսուեց կաղնուտի ձորում:

1) Ձիու մէջքի լետեի մասը:

«Դէ, հասէք, արդերբ, հասէք էն ձէնին,
 Կըռիւ է էնտեղ, մարդիկ են գոռում»:
 Էլ ժըպիտ չը մնաց ոչ մէկի դէմքին,
 Վիշտն ու վըրէժը տիրեց ամենքին.
 Լըռեց և՛ բէֆը, և՛ ամեն շըշունջ,
 Ծերունին իջաւ ժայռից լուռ ու մունջ.
 Ուխտուորն էլ մոռցած հանդիսի օրը,
 Վազեց նըրա հետ կաղնուտի ձորը
 Եւ տեսաւ այնտեղ աղբիւրի փոսում
 Ընկած թուրքերից արիւն է հոսում.
 Կարօն Ալվարգի դէմ կանգնած արի՝
 Երգում է որսած աչերը ետքի.

«Ալվարգ, Ալվարգ, սե աչերից
 Ես ընկել եմ սար ու ձոր.
 Ալվարգ, Ալվարգ, սե աչերից
 Դադար չունեմ ոչ մի օր:

Քեզ տեսնելով, կըռիւ ու ջարդ,
 Չար մըտքերս ցըրուեցան.
 Նըրանց տեղը, սիրուն Ալվարգ,
 Դու ես կապել ծիածան:

Էն օրուանից չոր ժայռն էլ է
Անուշ բուրում, կանաչում:
Էն օրուանից սիրտս էլ է
Արնածարաւ քեզ կանչում:

Ա՛ռ զէնքերս դու մէկ-մէկ,
Ես յաղթուած եմ քո սիրով.
Ա՛ռ զէնքերս, որ երբէք
Ես չեմ տուել ~~խիտ~~ ^{թուեց} Արուսով:

Ալվարդ, Ալվարդ, սև աչերից
Ես ընկել եմ սար ու ձոր.
Ալվարդ, Ալվարդ, սև աչերից
Ես հալում եմ օրէց օր»:

Յետոյ ուխտորի հետ նա միասին
Գընաց, պատմելով թուրքերի մասին.
«Հրացանս լըցրած երկու գընդակով՝
Ես նրստած էի կաղնուքու կողքին.
Մէկ էլ ինչ տեսնեմ, գալիս են շարքով
Չորս-հինգ ձիաւոր մի աղջիկ թարթին:
Տեսայ, որ մէկը ճանաչս է գալիս,
Ասլան-բէկին էր նրմանը տալիս.

Աղջիկն էլ, ասի, թէ հայ է թըշուառ,
Տես, թէ ինչ որսով յետ կ'երթամ Լալուար.
Յանկարծ լըսեցի՝ «վնյ, տանում են, վնյ»...
Տեսայ, որ կապածն աղջիկ է և հայ.
Մի գընդակ թողի ես ծառի կողքից,
Ասլան-բէկն ընկաւ իր ձիու մէջքից.
Ես նորից լըցրի և նորից ընկան,
Մի մարդ ու մի ձի հազիւ թէ պըրծան.
Ալվարդն էլ եղաւ իմ որսը անդին,
Ահա՛ բերել եմ, որ տամ Աւագին»:

Ուխտուորը խառնուեց, փընտրում է նըրան,
Ուզում է տեսնել, ո՞վ է քաջ տըղան.
Ծերը դաշոյնը հանեց իր գօակից,
Տուեց Կարօյին ամբօխի գիմաց
Եւ համբուրելով նըրա ճակատից,
Դողդօջուն ձայնով օրհնելով, ասաց.
«Ապրիս դու, Կնրօ, երկար տարիներ,
Որ միշտ ազատես անմեղ գերիներ.
Լալուարն էլ լինի թող խօսքիս վրկան,
Որ քեզ եմ օրհնում ես Աւագ-օրսկան»:

Նորից նոյն գուռնա-նաղարան հընչեց
Եւ քաջ Կարօյին կեանք ու ոյժ մաղթեց.

Ուխտւորն էլ վերջին ջերմ համբոյրներով
 Իշաւ Սուրբ-Սարգսից նեղ կածաններով,
 Եւ պար ու երգով Էալուարից նա ցած
 Գընաց իր սըրտի մուրազը առած.
 Կոյր աշուղներն էլ երգ յօրինեցին
 Եւ նոր իգիթի գովըը արեցին:

VI

Աշունն էլ եկաւ. Գուգարք աշխարհում
 Սարին ու դաշտին այլ կեանք է եռում:
 Խուզելով գառան, ոչխարի բուրդը,
 Քոչել է բինէն թողնելով իւրտը.
 Լեռներից զուարթ, գիրացած հօտեր
 Զըմեռուան համար իջել են դաշտեր.
 Իւրտերը դատարկ սեին են տալիս,
 Աղբիւր ու ծաղիկ ողբում են, լալիս.
 Մենակ խաղում է, թռչկոտում պախրան,
 Սարեր ու ձորեր մընացին նըրան.
 Արծիւն էլ տըխուր նըստած ժայռերին՝
 Որսեր է փընտրում իր սոված փորին:
 Լըցրին բարիքով հորն ու մարանը,
 Փոխուելով սարից ամենքն արանը ¹⁾,

1) Գաշտ:

Աստուած խընայեց խեղճ ^Անաշարին—
 Լաւ հաց ու գինով առատ է տարին.
 Հասել են արգէն մըրգեր մեղրածօր,
 Կանաչ թըփերը բըռնած դաշտ ու ձօր,
 Հասել է ամրան միջօրեան տապին
 Բիւր շարաններով խաղողը ճիթ-ճիթ,
 Քաղում են նըրան առուակի ափին.
 Հընձանից անուշ մաճառը շիթ-շիթ
 Կարասն է լըցւում ուրախ բըրբիջով.
 Եւ փըրփըրալով դեռահաս գինին
 Հանգստանում է միայն թակիչով ¹⁾.
 Նորից խաղալով, հասնում է բերնին,
 Եւ յուզուած, գըժուած խոր գեանի գըրկում՝
 Իր ստորերկրեայ խուլ երգն է երգում:
 Վերջացաւ թէ չէ անկըրակ եփը,
 Սկսուեց իսկոյն գիւղացու բէֆը.
 Զուռնա-գըհօլի ձայնը զըլում է,
 Հարսանիքների տուտը ²⁾ բացւում է:

«Ալվարդ ջան, աղջի, եկ լըսիր դու ինձ.
 Ես օրհնում եմ քեզ հայրական սիրով.»

1) Նոր գինու եփը իջեցնելու գործիք:
 2) Ծայր:

Ե՛կ, թէև ծանր է բաժանուել բեզնից,
 Բայց նըշանուած ես դու իմ երգումով:
 Վազ ես ունէի մի ողջում-ախպէր ¹⁾,
 Նա զէնքով որսի գընալ չը գիտէր,
 Արջերի հետն էլ միշտ կօխ էր բըռնում,
 Կըռների զօռով իր որսը անում:
 Ողորմած հոգի Արջակեր-Մօսին,
 Էդպէս էր նըրա աւել անունը,
 Մի օր խօսք գըցեց իր տըղի մասին.
 — Իմ ու քո չը կայ, մէկ է մեր տունը.
 Թէ որ բեզ լինի աղջիկ զաւակ,
 Արի նըշանենք տըղիս հետ, Աւազ.
 Նըրանց պըսակենք կենդանի օրով
 Ու մենք հեռանանք յաւիտեան սիրով.
 Թէ Աստուած էսպէս մեր ուխտը կամի,
 Խօսք տուր, որ լինենք իրար խընամի:
 Եւ ես երգուեցի, երբ դու մեծանաս,
 Մօսունց Աթօյի հետ ամուսնանաս.
 Վազուց է պառկած Մօսին հողումը,
 Վազուց հեռացաւ նա փուշ աշխարհից.
 Բայց չեմ մոռացել ես իմ խոստումը,
 Որ բարձր է երկրի ակն ու գոհարից.

1) Հոգու եղբայր:

Իգիթի խօսքը օրէնք ու կարգ է,
 Նամարգ ապրելուց մեռնելը փառք է:
 Ե՛կ դու՛ լըսելով ծընողիդ կամքը,
 Հաւատարիմ կաց քո նըշանածին,
 Եւ միշտ յիշելով մօրդ խընամքը,
 Ապրիր ու մեռիր միշտ մէկի բարձին»: ²
 Եւ մի համբոյրով գըլթօտ հայրական,
 Աւազ-որսկանը օրհնեց աղջկան:

Յանկարծ խեղճ կոյսը գըլուխը թեքեց,
 Դէմքը այլայլուեց, նա դողաց լուրից,
 Եւ մատաղ կուրծքը նետի պէս շանթեց
 Այն աւետիքը, որ լըսեց հօրից.
 Նա ճընշուած գաղտնի ներքին յուզումով
 Ձիւնի պէս ճերմակ ձեռքերը կըրծքին
 Դեռ սպասում էր դաժան զգացումով,
 Ինչպէս անմեղ զոհ ծերունու կողքին:
 Թէև արցունքը նա շուտ կուլ տալով
 Սիրոյ կըռիւը ծածկեց իր հօրից,
 Բայց սիրտն ասում էր տըրրօփտըրօփալով՝
 «Մարդու չեմ գընալ բացի կարօյից»:
 Եւ դեռ յայտնի չէր որսկանին սէրը,
 Որով այրուում են երկու սըրտերը.

Բայց ով է գիտում՝ սէրը կը յաղթի,
Թէ նուիրական խոստումն իգիթի:

Քանի գիշեր է, մինչև լուսադէմ
Ծեր, երիտասարդ, այր, կին ժըպտադէմ
Հազար գունաւոր զգեստներ հագին՝
Խընդում են բարձրը Դեպետի ափին.
Հանդէս է այնտեղ մեծ հարսանիքի,
Զուռնան զըլել է վաղուց սահարին ¹⁾:
Թընդում է յանկարծ ձայնը Աւագի,
Հոսում է սիպտակ ու կարմիր գինին.
Որսկանը՝ առատ վայրի երէներ,
Երիջ, ոչխար է հարսանքին մորթել.
Եռում են լիբը քառկանթ կաթսաներ ²⁾,
Հարսանեաց ծուխը երկինք է պատել:
Մի տեղ ամբօխը խմբով նըստոտած՝
Անուշ է անում, հարսանիքն օրհնում,
Իսկ աշուղները, մըրցելով հարբած,
Ալվարդի համար երգ են յօրինում:
Մի տեղ սահելով հարսն ու աղջիկներ,
Կազմում են ուրախ շըրջապարի շարք,

¹⁾ Առատուան երգի եղանակ:
²⁾ Չորս կանթ ունեցող մեծ կաթսա:

Մի տեղ ձողերին վառած պատրոյգներ՝
Երեխայք գոռում, վազում են անկարգ:
Հերթիկների տակ և արծակ բակում
Թընդում են հազար աղմուկ ու երգեր.
Փըրփըրած գինու թասերը ձեռքում՝
Ուտում են քաշ-դան ³⁾, խորոված, մըրգեր:
Այսօր խընջոյք է, վաղըն էլ հանդէս,
Եօթ օր, եօթ գիշեր կը տևի այսպէս.
Գիւղի աղքատը, ծերն ու պատանին
Եօթ օր, եօթ գիշեր հիւր են որսկանին:

Յանկարծ Աւագի ջիրիդը ճօճաց.
«Ձիրիդ է, ջիրիդ», ամբօխը ճըչաց.
Գըհօլը դըմբաց, հեծուորներն անցան,
Կազմեցին միմեանց հակառակ շըրջան:
Զինուած ձողերի սուր նիզակներով
Հէնց բաժանուեցին երկու բանակի՝
Բարձրացրեց փոշին ձին սմբակներով,
Գըլուխներ պատուեց զարկը նիզակի.
Եռում է հանդէսն ահեղ ջիրիդի,
Համնում են արագ, զարկում մէկ-մէկի.

³⁾ Թոնրի մէջ մսից և ձաւարից պատրաստած՝ հարսի նման կերակուր:

Ձեռքներին բռնած թաւիչ թաշկինակ,
 Դիտում են հեռուից և հարս ու աղջիկ՝
 Իսկոյն տալիս են նրբան մրրցանակ,
 Ով որ նըշանին նետում է ճարպիկ:
 Աթօն էլ եկաւ շատ անգամ անցաւ,
 Բայց նա Ալվարդից ոչինչ չըստացաւ.
 Ձիերի կըրծքից քալաղին ¹⁾ կապած՝
 Դեռ փըռփըռալով, քըշում են, թըռչում:
 Բայց չի նըկատում ամբոխը հարբած,
 Որ խեղճ Ալվարդն է ամենից տըրտում:
 Շատերը յաղթուած մէկ-մէկ հեռացան.
 Մենակ Աւագը ջիւրիդը ձեռքին՝
 Ինչպէս յաղթութեան վրթխարի արձան,
 Հասնում էր, զարկում փախչողի մէջքին:

Մութն ընկաւ արդէն. փայլում են կրակներ.
 Նորից հիւրերը նըստում են շըրջան,
 Լըցնելով փրփրած գինով գաւաթներ,
 Եռուն քէֆի մէջ կանչում են՝ «հա ջան»...:
 Նորից զուռնան է հանում աղմուկը,
 Աշուղը թառին լարում է երգեր.

1) Մետաքսի թաշկինակ:

Նորից երգում են ծերն ու մանուկը,
 Բըռնելով առոյգ նոր զօփի շարքեր:
 Հարբածների հետ Դեպետը ձորում՝
 Փրփրած ալքերով ժայռէ քընարին,
 Ծփում է տըխուր, անվերջ փըրփըրում,
 Հազար երանի տալով անցեալին:

Երբ հողմն էր փըշում, Դեպետը վըշշում
 Գիշերուայ վայրի մի տըխուր համերգ,
 Իսկ պաղ կայծերով աստղը զենիթում
 Դողալով, դիտում մըռայլ տիեզերք,—
 Գիշերուայ նըման մի մուգ սև շաշում
 Ալվարդը գաղտնի անտառն էր մըտել.
 Իսկ վաղուց ծանօթ մըթին դարանում
 Նըրբան պահապան մացառն էր պատել:
 Նըրբա համար չէր երկնի կապոյտը,
 Նա չէր դուրս եկել իբրև զըօսանք.
 Որպէս ջըրվէժի թափն ու պըտոյտը,
 Նըրբան քըշել էր վառ սիրոյ հոսանք:
 Եւ այդպէս փախած մըթին գիշերով
 Հայրական տընից հօրիցը գաղտնի՝
 Նա սպասում էր սըրտի զարկերով
 Իրան սիրելուն սարերին յայտնի:

Յանկարծ անտառի մըռայլ թաւուտից
 Լըսուեց ամբակի տըրտի ու դօփիւն,
 Քըրտինքը հոսեց կոյսի ճակատից,
 Ճերմակեց, դառաւ ինչպէս լեռան ձիւն:
 Փայլեցին արգէն ձիւ պայտերը
 Եւ մի ծանօթ ձայն՝ «Ալվարդ ջան», կանչեց.
 Կարմըրին տուին կոյսի պայտերը,
 Նա սըրտի խորքից ազատ հառաչեց:
 Այ, քեզ ցանկալի երջանիկ ըսպէ,
 Երբ կարօտ սըրտեր գըտնու՞մ են իրար,
 Փըշըելով արգելք թէկուզ երկաթէ,
 Գըտնու՞մ են միմեանց երկու սիրահար:
 Հեծուորը թռաւ սև ձիուց շտապ,
 Ալվարդին հանեց խիտ մացառներից,
 Գըրկեց ու սեղմեց կըրծքին սիրատապ,
 Համբոյլներ քաղեց այտ ու շուրթերից:

«Ալվարդ ջան, Ալվարդ, Կարօն շըշընջաց,
 Ե՛կ, շուտով փախչենք, քանի գիշեր է.
 Գիտե՞մ, իմաստուն ձիս որ խրինջաց,
 Փորձանք լինելը նա զգացել է.
 Ա՛ռ դարաբինաս, կախիր ք՞ վըզից,
 Նա պէտք կը գայ քեզ գիշերը ճամփին».

Մինչև որ թըռած անցնենք անտառից,
 Մինչև որ տունս գըտնենք քարափին»:
 — Թէկուզ սըրտումս ցըցեն սուր ու նետ,
 Ես պիտի ապրե՞մ ու մեռնե՞մ քեզ հետ,—
 Ասաց Ալվարդն ու բռնկուած յոյզով
 Ամուր փաթաթուեց Կարօյի վըզով:
 Փախաւ նըրա հետ, գլուխն ու այտը
 Յենած սևուկի փըրփըրուն բաշին.
 Զարնուելով քարին, զրնգում էր պայտը
 Եւ սէրը երգում նրանց ականջին:
 Մոռցած ծերունի հօր պատուի մասին,
 Կուսական սըրտից հուր էր բըռնկում:
 Սարերից ձորեր թև առած սև ձին
 Թագում էր դօփիւնն մըթին ծըմակում:

Յանկարծ լըսու՞մ է «հարան ու տարան»,
 Հարսանքատանը լըռում է զուռնան.
 «Կարօն Ալվարդին փախցըրեց, տարաւ,
 Կարօն ամեն ինչ ոտնատակ արաւ...
 Թի՛ւհ, անաղուհաց նամարդ արարքին,
 Անդա՛նակ մորթեց իգիթ Աւագին»:

Ծերը զարկելով գըտակը գետնին,
 Խըռոված ձայնով դարձաւ ամբոխին.

— Էս ութսուն ձրմեռ, էս ութսուն գարուն
 Ես կեանք եմ բաշել աշխարհի վերայ,
 Բայց չեմ թողել, որ Աւագի անուն
 Մի թեթեւ բանով անգամ սևանայ.
 Էսքան տարի է, որ կըռուի սեփո՛ր՝
 Արիւնն է եղել ինձ համար քրրախնք.
 Էսքան տարի է գըլուխս ալւոր
 Չէր կերել էսպէս մուր ու նախատինք.
 Բայց գող Կարօյի նամարդ արարքը
 Թաղեց որսկանիս պատին ու փառքը:
 Թէև երգուել եմ, որ էլ որս չանեմ,
 Բայց էն նամարդի մուրն էլ օնց տանեմ, —
 Ասաց ու ծերը հրացանը ուսեց
 Եւ տըմբտըմբալով խոր ձորը վաղեց.
 Ո՛մանք ձիերով, սմանք էլ ոտով
 Վազեցին հետը զանազան ճամփով:

Աւագ-որսկանը իր զինուած խըմբով
 Շատ է թափառել անտառ ու ծըմակ,
 Անցել է ամեն մի նեղլիկ ճամփոյի,
 Ուր որս է արել ջահէլ ժամանակ.
 Բայց ո՛չ փախցնողին, ո՛չ էլ աղջկան
 Նա դեռ չէ գըտել երկար փընտրելով:

«Արվարդն ու Կարօն չըկան ու չըկան»,
 Ասում է դարձեալ նա գեղերելով:
 Մի օր յուսահատ, տանջուած ու անբուն,
 Անցնելով արդէն վերջին կիրճերը,
 Մի խիտ, գարեօր մըթին ծըմակում
 Ծերունին գըտաւ ձիւ հետքերը,
 Եւ լըսեց ինչպէս ձիւ տըրտփով
 Արվարդն ու Կարօն թըռչում են ճամփով:
 «Հէյ, Կնրօ, Կնրօ», որսկանը գոռոց.
 Սիրահարները մընացին սառած.
 «Էդպէս ես պատոււմ հին ազուհացը,
 Էդպէս ես սիրում օրէնքն իգիթի.
 Քեզ նըման նամարդ գող արարածը
 Ինչի՛ չի վաղուց զսհուել գընդակի»:

Կարօն շուարած որպէս երազում՝
 Թէև հասկացաւ, թէ ով էր խօսում,
 Բայց գընդակ տըժժաց, անտառը թընդաց,
 Եւ նա գոլորուեց սև ձիուցը ցած:
 Արվարդը՝ իր գանգուր գիսերն է փետում.
 «Վայ, Կնրօ ջան, վայ», անտառն է թընդում:
 Բայց արդէն մահը մըռայլ թևերով
 Թըռաւ ու գըրկեց իգիթ Կարօյին.

Այրուած շուրթերը՝ փայ ջուր կանչելով,
Կըպան, փակելով հուրը սիրային:

Եւ զարարինան պինդ ձեռքին սեղմած՝
Ալվարդը կանչեց հօրը զառամած.
«Ե՛կ, սպի ջան, եկ անտառից շուտով,
Ե՛կ, ինձ էլ զարկիր մի նոր գընդակով.
Ա՛խ, անսէր կեանքը ծանր է գեհէնից,
Ե՛կ, սպի ջան, եկ, յետ առ ինձանից.
Լաւ է մի անգամ սիրելով մեռնեմ,
Քան թէ միշտ անսէր թագուհի լինեմ.
Մեզանից յետոյ, էյ, սարեր, ձորեր,
Աղբիւր ու առու ուրախ, քըչքըջան,
Երգեցէք՝ ինչպէս կորան մեր օրեր.
Երգեցէք՝ «Ալվարդն ու Կարօն չըկան»:

Սև ծըխի միջից գընդակը թըռաւ...
Ալվարդը վերջին մահուան տագնապում
Սիրուն գլուխը գետնի վրայ դըրաւ
Եւ լուռ գալարուած խոտ է պոկոտում:
Դեռ թըռթըռում են նըրա շուրթերին
Կեանքի գոյները մէկ-մէկ մարելով,
Սըփրթնած վարդը կարմիր այտերին
Հրածեշտ է կարգում ընդմիշտ թօղնելով:

Մարում է հուրը սև-սև աչերի,
Սահում է կեանքը անհուն տենչերի.
Ծորում են կամաց արեան շիթերը,
Սպառում կեանքի վերջին ոյթերը.
Եւ ամեն մի նոր ծորած կաթիլով
Կարծես ասում է՝ կեանք, մըննս բարով:

Վերջին արևը ճառագայթներով
Դեռ արևմուտքից անտառի խորքում՝
Սիրահարների լուռ դիակներով
Խաղում է անհոգ, փարում ու գըրկում:
Տրաքոցի վըրայ հեռու ձորերից
Վազելով հասաւ հարսանքաւորը,
Արիւն-արցունք է թափում աչքներից,
Մենակ չի լալիս ծեր յանցաւորը:
Դըղըղզուած գիսեր, գընդակը կըրծքին՝
Սարսափ էր ազդել Ալվարդն ամենքին.
Օտար, բարեկամ ողբում են նըրան,
Անէծք թափելով Աւագի վըրան.
Կանչում են նըրան. «Ինչի՞ չես գալիս,
Ինչի՞ չես դու էլ մի բերան լալիս»:

Բայց նրբանց լացը, ճիշտ օրհասական
Իարձեալ չեն ազդում քարացած ծերին.
Եւ անշարժ կանգնած ծերունի հըսկան
Նայում է միայն նրանց կոծերին:
Անտատան յենուած նա նուիրական
Հին աղուհացի պատուի օրէնքին՝
Էլ չէր ափսոսում միակ աղջրկան.
Այլ բան էր զգում իգիթի հոգին:
Թէև նա վերջին օրը ծերութեան
Ներկեց իր միակ որդու արիւնով,
Բայց համոզուած էր, որ արդարութեան
Չի գաւաճանել դեռ ոչ մի բանով.
Որ ափսոսանքը և լացն ու կոծը
Էլ չեն բուժելու սրբաի սև խոցը.
Այլ նրբան միայն օրէնքն իգիթի
Իր անդարձ ոյժով մի օր կը դատի:
Մերթ թըռչում է նա դէպի տպագան,
Ուր սառեւերներով դատի պիտի դան
Նամարդ սերնդի տըգեղ արարքը
Եւ հին իգիթի պատիւն ու փառքը.
Մերթ լուռ քարացած առանց արցունքի
Դէպի նոր բըսնող բըլուրն է դառնում,
Մերթ նրբա դէմքը թաղուող յանցանքի
Տըխրութեան ամպն է յանկարծ մըռայլում.

Մերթ անշարժ կանգնած հրացանը ձեռին,
Ինչպէս դարաւոր լեռների արձան,
Նա հուժկու մէջքը դէմ տուած ժայռին՝
Նայում է թաղմանն անթարթ ու անձայն:
Եւ հին կընճոտած, ապառաժ դէմքով
Կարծես ծաղրում է դեռ լալկաններին,
Որոնք յանձնում են հողին խընամբով
Իր աջող որսած սիրեկաններին.
Յանկարծ զօռ տալով երկար չիբուխին,
Նա վերջը դարձաւ լալկան ամբօրին.

«Հէյ գիտի հա, հէյ, իգիթ ժամանակ,
Անցար, գընացիր, թողիր ինձ մենակ.
Ո՛ւր են առաջուայ սէրն ու հաւատը,
Պապերի գըրած օրէնքն առաջին.
Իգիթ չէր ասուում էն տըղամարդը,
Որ չէր խոնարհուում սուրբ աղուհացին.
Արար-աշխարհի օրէնքների դէմ
Ես նրբանից մեծ օրէնք չը գիտեմ
Եւ ինչ արարած, ինչ ագամորդի
Կոտրելով պատիւն, անսուն իգիթի,
Ապրում է մենակ ինքը, նամուսով
Իբրացուն պատուից գըրելու յոյսով»

Թէկուզ աշխարհն էլ զուլ անի իրան,
 Իսկի տըղամարդ չեմ ասիլ նըրան:
 Մարդիկ մանրացան մըթեղի նըման,
 Արցունքն է դառել ցաւերին դարման.
 Բայց ողբն ու լացը էլ ինձ չեն ազգել,
 Ծով էլ որ դառնամ, արցունք չի կաթիլ:
 Հէյ գիտի հն, հէյ, իգիթ ժամանակ,
 Սնցար, գընացիր, թողիր ինձ մենակ.
 Հեռացէք դուք էլ, թողէք միտնամ
 Ժայռ պապերիս հեռ, ես էլ քարանամ»:
 Ասաց ու լռեց ծերը գըլխակոր,
 Ինչպէս վիթխարի մի ժայռի բեկոր:

Բայց հին վանքերի բարձըր գմբէթից
 Չեն հընչում մահուան զանգի ձայները,
 Եւ շարականից, բուրվառ ու խաչից
 Ջըրկուեցան նրանց պաղ մարմիները.
 Հարսանքաւորի ողբըն ու լացը
 Եւ սե նըժոյգի խորին թառանչը,
 Աչնան հողմի հեռ արձագանք տալով,
 Երգում են ձորում թաղման շարական.
 «Ա՛խ, Արվարդ, Կարճ», լուռ հառաչելով
 Փորում են նըրանք մի խոր գերեզման

Եւ սիրակորոյս զոյգ նըշխարները
 Յանձնում են ցաւով հայրենի հողին.
 Իսկ բըլուր դարձած սիրահարները
 Պատմում են սիրոյ արկածն անցնողին:

Գառն ափսոսանքով ամբոխը գընաց,
 Անտառում մենակ սրսկանը մընաց.
 Նա քաշուեց հեռու մութ ծըմակները,
 Հսկայ ժայռերին եղաւ դըրացի,
 Ուր չեն սրտում ո՛չ գընդակները,
 Ո՛չ լըւում ձայնը մարդկութեան լացի.
 Գըլուխ չը թեքած մարդկանց օրէնքին՝
 Նա եղբայրացաւ յաւէրժ տարերքին:

Երբոր բացւում են վայրի վարդերը,
 Երբ դարնան բոյրով ձորն է կանաչում,
 Գալիս են այնտեղ մատաղ կոյսերը,
 Արվարդին իրանց սէրը մըրմընջում,
 Մի՛մի կըտոր շոր թուփից կապելով,
 Յիշում են նըրան արցունք թափելով,
 Եւ այն մամռապատ մենակ բըլրակը
 Նոր կեանք է առնում հին կաղնու տակը:
 Երբ եղջերուն է այնտեղ բառաչում,
 Կամ եղնիկն անհող վըրայից թըռչում,

Որսորդն աղբիւրից պաղ ջուր խրմելով,
Անցնում է որսի հեաքից վազելով,
Յանկարծ ցոյց տալով բլրակն ընկերին,
Դառնում է վազուց անցած դէպքերին.
— Դու ջահէլ ես դեռ, լաւ չես ճանաչում,
Ալվարդն ու Կարօն այստեղ են հանգչում:
Ո՞ւր են առաջուայ մարդիկն ու սէրը,
Աւագ-որսկանի արած որսերը:
Ասում են, երբ որ ամպի փէշերը
Փռուելով սարից, ձորերն են գրրկում,
Լքւում է յանկարծ մըթին գիշերը
Մի խոր հառաչանք ժայռերի կրճճում:
Ու ամպերի մէջ Աւագ-որսկանը
Գալիս է հըսկում իր աղջրկանը.
Եւ նորից ծածկած նա վիշաբ ներսից՝
Փախչում է նամարդ մարդկանց երեսից:



«Ազգային գրադարան»



NL0359495

43966

ՄԻՆՆ Է 40 ԿՈՊ.

Գնել ցանկացողները թող դիմեն Թիֆլիզի
գրախանաներին: